

Intmed. 2020/027

Fecha : 15 òktober 2020

Na : Tur empleado di F.K.P.

PARTISIPASHON INTERNO

Apresiado kolega, Resientemente gobièrnu di Kòrsou a saka un komunikado, kaminda nan ta rekomendá pa laga empleadonan traha mas tantu posibel for di kas. Na inisio Fundashon Kas Popular (FKP) a apliká rekomendashon di gobièrnu. FKP komo dunadó di trabou responsabel a tuma e desishon di laga hasi e investigashon nesesario pa wak e posibilidat pa su empleadonan sigui traha na kas. Trahamentu for di kas tin hopi responsabilidadat i riesgo mara na dje. Esakinan ta entre otro:

- E empleado ku traha na kas, no por sinta 8 ora tras di un lèptop, e mester tin un desktop ku ta ser adaptá na e empleado su físiko.
- E empleado mester tin un stul i buro ergonómiko.
- E empleado mester tin un espasio adekuá destiná pa ehersé su trabou den tur trankilidat ku por ser transformá den un kantor. E lugá mester tin sufisiente lus di solo, sufisiente airu fresku òf mester tin un èrko/ fèn adekuá.
- Tur insidente ku sosodé ku e empleado na kas durante orario di trabou, ta kai bou di e responsabilidadat di e dunadó di trabou. Kas a bira e empleado su “werkplek”.

Ku otro palabra, un dunadó di trabou tin e deber di sòru pa un empleado su “werkplek” ta kumpli ku standartenan ergonómiko conforme instrukshon di un Arbodienst.

Pa e motibunan ariba menshoná, Gerensia a tuma e desishon pa entrante 1 yanüari 2021 drai bèk tur desishon previo di permití trahamentu for di kas i laga tur empleado ehersé nan trabou (diario) na ofisina mes.

Na mei último despues di e periodo di lockdown gerensia a laga hasi e ahustenan nesesario conforme instrukshon di gobièrnu i Arbodienst di manera ku tur empleado por funshoná na un manera safe i responsabel na FKP. Pero pa por tin un kontrol èkstra un ergonoom lo pasa i kontrolá e manera di sinta di kada empleado, pa afirmá ku kada lokalidat ta kumpli ku entre otro e reglanan di


A large, stylized blue ink signature is located in the bottom left corner of the page.A smaller, stylized blue ink signature is located in the bottom right corner of the page.

distansia sosial. Dado kaso mester hasi adaptashon, esakinan lo ser hasí. Di manera ku tur empleado lo por ehersé su trabou nan diario, den un esfera sano i sigur.

Laga nos ban sigui kuida nos mes i otro nan dor di mantené distansia sosial/físiko i kumpli ku reglanan di higiena manera indiká den e maneho di FKP debí na coronavirus.

Spera di a informá suficiente.

Atentamente,

A large, stylized handwritten signature in blue ink, consisting of a series of loops and flourishes, is written over the typed name.

ir. A.E. Con
Managing Director